

# Sejauh Mana Pengetahuan Orang-orang Islam Terhadap Syariat Mereka?

Sebahagian besar daripada para alim ulama yang berada di seluruh negara Islam telah melupakan golongan buta huruf dan buta agama yang mempunyai bilangan yang bukan sedikit di seantero dunia Islam. Mereka membiarkan golongan ini terus-menerus berenang di lautan kejahilan dan menyeleweng daripada pengajaran-pengajaran Islam yang sebenarnya. Mereka menganggap bahawa golongan ini sentiasa hidup di dalam kesesatan yang tidak dapat lagi dibimbang dan tidak harus dihampiri...

(Terjemahan bebas oleh: Azmi)  
(IX)

## Bahagian kedua

Pengetahuan orang-orang Muslimin terhadap syariat Islam yang mereka anuti adalah berbeza-beza dan bermacam-macam mengikut keadaan tinggi rendah dan dalam dangkalnya ilmu pengetahuan agama yang ada pada diri mereka masing-masing. Dalam segi ilmu pengetahuan mereka terbahagi kepada tiga golongan:

**Pertama:** Golongan yang tidak berpelajaran.

dapat memahami masalah-masalah yang lebih sulit mengenai hukum agama dan sebagainya. Golongan ini boleh dikatakan jahil sama sekali tentang selok-belok syariat Islam, kalau ada pun hanya maklumat-maklumat yang singkat dan cetek di dalam urusan ibadah, boleh dikatakan sebahagian besar daripada mereka menunaikan ibadah dengan secara membabi buta atau dengan cara meniru-niru perbuatan yang dilakukan oleh ibu bapa, saudara-mara dan guru-guru mereka sahaja. Dari golongan ini

dari golongan orang-orang yang berpelajaran tinggi, sama ada pelajaran mereka itu merupakan pelajaran agama, maupun pelajaran Barat. Walau bagaimanapun untuk membimbang mereka ke arah Islam dan keimanan, mereka lebih lekas terpengaruh menerima ajaran-ajaran yang diberikan oleh golongan orang-orang yang berpelajaran agama, lantaran golongan agama ini lebih mendalam jiwa agamanya dari golongan yang lainnya, dan mereka lah yang dapat menerangkan masalah-masalah agama dengan lebih luas. Adapun untuk

## Islam Di Antara Kejahilan Pemeluknya dan Kelemahan Ulamanya

**Kedua:** Golongan yang berpelajaran Barat.

**Ketiga:** Golongan yang berpelajaran agama.

Di bawah ini kita akan menerangkan satu persatu tentang tiga golongan tersebut:

### 1. Golongan yang tidak berpelajaran:

Golongan ini selain daripada orang-orang yang buta huruf tidak tahu menulis dan membaca, termasuk jugalah orang-orang yang berpengetahuan rendah, orang-orang yang ilmu mereka tidak

sangat jarang sekali kita dapati orang-orang yang melakukan ibadah dengan berdasarkan ilmu pengetahuan dan maklumat-maklumat yang luas di dalam soal agama.

Golongan orang-orang yang tidak berpelajaran ini tersangat besar bilangannya, tidak kurang daripada delapan puluh peratus daripada bilangan seluruh kaum Muslimin yang berada di seantero dunia Islam. Namun begitu golongan ini jiwa mereka masih dapat dipengaruhi dan dipimpin dengan adanya panduan-panduan yang berkesan dari

membimbang golongan orang-orang yang berpelajaran Barat itu ke arah Islam dan keimanan, ini ada lebih sukar (kerana golongan Barat ini selalu menyangka bahawa ilmu pengetahuan mereka sudah tinggi melangit, sedang ilmu pengetahuan yang berdasarkan agama itu adalah rendah dan kolot – P.).

Sebenarnya golongan ini (golongan orang yang tidak berpelajaran) sangat mudah dipimpin dan dipengaruhi oleh golongan yang ketiga (golongan yang berpelajaran agama) khususnya oleh golongan para ulama Islam. Mereka

## **Islam di antara kejahilan...**

mudah dibimbing ke arah jalan yang benar, apabila mereka diberikan pengertian bahawa tiap-tiap urusan hidup di dunia ini tidak dapat dipisahkan dari agama. Dibentuk dan iman mereka dapat Sesungguhnya jiwa mereka mudah dibentuk dan iman mereka dapat diperteguhkan dengan cara menerangkan kepada mereka dasar-dasar dan konsep-konsep pengajaran Islam yang maha suci.

Tetapi yang amat mendukacitakan bahawa sebahagian besar daripada para ulama yang berada di seluruh negara-negara Islam telah melupakan golongan buta huruf dan buta agama yang mempunyai bilangan yang bukan sedikit itu, mereka membiarkan golongan ini terus-menerus berenang di lautan kejahilan dan menyeleweng daripada pengajaran-pengajaran Islam yang sebenarnya. Mereka menganggap bahawa golongan ini sentiasa hidup di dalam kesesatan yang tidak dapat lagi dibimbing dan tidak harus dihampiri. Pada hakikatnya kejahilan dan kesesatan mereka itu adalah tergantung di atas sikap diam dan tidak peduli yang dilakukan oleh para ulama dan kaum intelek Islam sendiri. Mereka tidak mahu bergerak memimpin dan membimbangi golongan yang buta agama ini ke arah golongan yang benar dengan sebaik-baik pimpinan.

### **2. Golongan yang berpelajaran Barat:**

Golongan ini termasuk semua golongan kaum terpelajar (intelektual) di dalam negara-negara Islam, kebanyakannya daripada mereka itu mempunyai pengetahuan sederhana, tetapi sebahagian besar

daripadanya berpelajaran tinggi, golongan ini terdiri dari: para hakim, peguam, doktor, *engineer-engineer*, pujangga-pujangga, guru-guru, pegawai-pegawai dan jago-jago politik.

Golongan ini semua berpelajaran dan berpendidikan secara Barat, oleh yang demikian pengetahuan mereka tentang selok-belok hukum-hukum Islam tersangat cetek secetek pengetahuan yang ada pada seorang Muslim biasa. Kebanyakan mereka itu mengetahui cara-cara orang Greek dan orang-orang Yunani beribadat, pengetahuan mereka tentang peraturan dan undang-undang Barat lebih mendalam jika dibandingkan dengan syariat Islam – undang-undang agama yang mereka anuti.

Di antara golongan ini hanya sebahagian kecil sahaja di tiap-tiap negeri – mereka boleh dibilang dengan jari – yang ada kemahiran untuk menyelidik, mempelajari dan mengkaji hukum-hukum Islam yang bersangkut dengan syariat walaupun demikian mengkaji hukum Islam dengan secara sambil-sambil ini tentulah tidak lengkap, dan pengetahuan Islam yang dikajinya itu tidaklah mendalam. Dengan ini sangat sedikit kita dapatil bilangan mereka yang di dalam jiwa mereka tersemat semangat dan roh keislaman yang tulen sejati, apatah lagi untuk memahami asas-asas pengajaran Islam yang sebenarnya. Tetapi saya berani mengatakan sebahagian besar daripada golongan ini lebih luas pengetahuan mereka di dalam soal undang-undang negeri yang diimport dari negara-negara Barat itu, banyak di antara mereka yang masih jahil di dalam soal syariat Islam yang mereka percayai. Yang amat

menyediakan, kerana golongan inilah yang menguasai alim ulama dan para intelek Islam yang luas pengetahuan mereka dalam soal agama, mereka inilah yang mewakili seluruh umat Islam di dalam persatuan-persatuan bangsa internasional.

Dengan semangat kesedaran yang tertanam di dalam jiwa kita, kita dengan terang berani mengatakan: Bahawa golongan mereka yang berpelajaran Barat itu adalah suatu golongan manusia yang beragama, mereka beriman dan percaya kepada Allah dan rasul-Nya, sebahagian daripada mereka menunaikan ibadah sekadar pengetahuan agama yang ada pada diri mereka, setengah daripada mereka mempunyai minat untuk menyelidiki dan mendalami ajaran-ajaran agama yang mereka anuti, tetapi alangkah sedihnya mereka tak berkuasa berbuat demikian mereka cuba menyelidiki ajaran-ajaran agama mereka dengan membuka kitab-kitab yang menghuraikan banyak masalah-masalah Islam dari segi rohani dan jasmani, tetapi mereka tidak dapat memahami isi kandungannya, kerana bahasanya berputar belit, berliku-liku tak mudah difahami oleh manusia yang berpelajaran sederhana. Kitab-kitab agama Islam yang ada pada hari ini hanya dapat dibaca dan difahami oleh golongan manusia yang bertitle “alim ulama” sahaja, kerana kitab-kitab itu ditulis dengan bahasa usang yang dipakai oleh pengarang-pengarang sejak dari seribu tahun yang lalu. Bahasa dan tulisan yang digunakan di dalam kitab-kitab itu hanya selari, tidak mempunyai fasal-fasal yang tertentu untuk menyenangkan para pembaca mencari satu-satu mauduk ilmu yang akan dibahas dan

## **Islam di antara kejahilan...**

diselidiki. Tegasnya kalau seseorang pembahas itu hendak mencari sesuatu hukum ia terpaksa membaca dari suatu bab ke suatu bab sehingga ia terjumpa dengan masalah yang dicarinya itu. Kadang-kadang seorang pembaca itu gagal mencari sesuatu hukum yang dikehendakinya daripada kitab-kitab yang dibacanya itu. Kadang-kadang mauduk yang dicarinya itu dijumpainya dengan cara kebetulan di dalam suatu bab yang tidak disangkanya mauduk itu ada di sana.

Banyak di antara para pembahas ilmu yang ingin mendalami bahasan-bahasan mereka di jurusan pengetahuan agama Islam. Untuk ini mereka mestilah membuka beberapa buah kitab agama, tetapi malangnya mereka tidak dapat memahami istilah-istilah syarak yang terkandung di dalam kitab-kitab itu. Saya kerap kali menerima pengaduan-pengaduan yang menyediakan dari beberapa orang golongan yang berpelajaran Barat yang ingin hendak menyelidiki dan mempelajari dengan bersungguh-sungguh akan selok-belok syariat Islam, tetapi mereka itu tidak dapat memahami perbendaharaan ilmu pengetahuan Islam yang ada terkandung di dalam kitab-kitab agama yang telah berumur lebih daripada seribu tahun itu, fikiran mereka semakin kelam-kabut sewaktu berhadapan dengan kitab-kitab itu, dan cita-cita mereka untuk memperdalam pengajaran-pengajaran agama Islam hilang tenggelam di antara matan, syarah dan *ḥāshiyah* yang memenuhi lembaran kitab-kitab usang itu. Alangkah baiknya kalau mereka dapat

kitab-kitab agama yang dikarang dan ditulis dengan jalan bahasa baru yang memudahkan mereka itu untuk menyelidiki memahami segala sesuatu yang mereka hajati tentang pengajaran-pengajaran islam yang maha suci.

Golongan yang berpelajaran Barat ini mempunyai suatu pendapat yang luar biasa mengenai Islam, kadang-kadang pendapat-pendapat mereka itu menggelikan hati. Setengah daripada mereka itu berpendapat bahawa agama Islam itu tidak ada mempunyai perhubungan langsung dengan urusan pemerintahan, setengahnya pula mendakwa bahawa Islam itu suatu agama dan kerajaan, tetapi mereka mengatakan pula bahawa hukum-hukum pemerintahan Islam itu sudah tidak sesuai lagi dengan zaman baru ini, dan setengah daripada mereka mengatakan bahawa syariat Islam itu bersesuaian dengan zaman sekarang. Tetapi ada pula setengah-setengah mereka itu berpendapat bahawa sebahagian daripada hukum-hukum Islam itu buat sementara waktu tidak sesuai dilaksanakan pada hari ini, di antara mereka ada pula yang menentang pendapat ini dengan mengatakan syariat Islam itu adalah sesuai dilaksanakan pada hari ini, kerana hukum-hukumnya adalah berjalan dengan tetap buat selama-lamanya, tetapi sungguhpun demikian sebahagian dari hukum-hukum Islam itu tidak sanggup dijalankan kerana takut menimbulkan kemarahan negara-negara Barat. Dan setengah daripada mereka itu mendakwa bahawa hukum-hukum Islam yang didapat di dalam kitab-kitab fikah itu pendapat-pendapat dari para ulama ahli fikah (*fūqahā'*) lebih banyak daripada pendapat-pendapat yang diambil daripada al-Qur'ān dan al-ḥadīth.

Inilah dia pendapat-pendapat dari golongan umat-umat Islam yang berpelajaran Barat, pendapat-pendapat yang tidak mempunyai asas sama sekali, kerana pendapat-pendapat tersebut terbitnya dari akal fikiran manusia yang jahil tentang selok-belok syariat Islam, kaedah syarak mengatakan: "Barang siapa jahil di dalam sesuatu perkara maka tidak boleh mengeluarkan sesuatu hukum" apabila orang jahil itu mengeluarkan sesuatu hukum, maka hukum-hukum yang dikeluarkannya itu tidak bersandarkan kepada keyakinan dan tanpa keterangan (yang menghilangkan segala keraguan – P).

Pada hakikatnya segala pendapat-pendapat yang tersebut di atas kembali kepada dua faktor: **Pertama** – jahil di dalam selok-belok syariat Islam, dan **kedua** – terpengaruh dengan kebudayaan Barat, dan percubaan mereka hendak mempersatukan maklumat-maklumat di antara undang-undang ciptaan manusia dengan syariat Islam ciptaan Tuhan. Walau bagaimanapun percubaan-percubaan mereka itu tetap selamanya menerima kegagalan hasil daripada pertelingkahan mereka sesama sendiri, pendapat mereka di antara satu sama lain tetap selamanya bertentangan, apa yang mereka tegakkan akan diruntuhkan oleh kawan mereka sendiri.

Di dalam keluaran akan datang – *in shā-Allāh* – akan kita kupas satu persatu tentang pendapat-pendapat mereka yang bertentangan dengan pendapat yang berdasarkan hukum-hukum Islam yang sebenarnya, sambil menerangkan dengan jelas akan kebatilan dan kepincangan pendapat tersebut.

Bersambung.